

LAPORAN LAKSANA

YB TENGKU DATUK SERI UTAMA ZAFRUL AZIZ
Menteri Kewangan Malaysia



LAKSANA
Agensi Pelaksanaan Ekonomi & Koordinasi Strategik Nasional


LAPORAN LAKSANA ke-79

16 DISEMBER 2021



- **ULASAN ISU SEMASA**
- **PENGEKALAN & PENJANAAN PEKERJAAN**
- **PEMERKASAAN PERNIAGAAN**
- **INISIATIF-INISIATIF LAIN**

ULASAN ISU SEMASA



RANG UNDANG-UNDANG (RUU) PERBEKALAN 2022 DILULUSKAN DI DEWAN RAKYAT

Rang Undang-Undang (RUU) Perbekalan (Bajet) 2022 telah diluluskan tanpa sebarang pindaan di Dewan Rakyat, selepas bacaan kali ketiga yang diputuskan melalui persetujuan undi suara majoriti. RUU ini juga telah dibentangkan di Dewan Negara.

Bajet bertemakan 'Keluarga Malaysia, Makmur Sejahtera' berkenaan mendokong tiga paksi utama iaitu memperkukuh pemulihan, membina daya tahan dan memacu pembaharuan.

Tahun 2022 semestinya diberi tumpuan untuk memulih semula setiap segmen sosioekonomi negara. Tumpuan Kerajaan di bawah fokus Rakyat yang sejahtera adalah untuk meneruskan pemberian bantuan tunai langsung secara bersasar, memperkasa aspek pendidikan dan kesihatan awam selain terus menjana peluang pekerjaan.

Usaha membina daya tahan turut digerak bagi mengukuhkan keupayaan perniagaan dan sistem kesihatan supaya terus melangkah ke hadapan, instrumen pembaharuan diperhebat supaya seiring dengan landskap dunia teknologi tanpa sempadan, dan agenda kelestarian dimangkin.

ULASAN ISU SEMASA



ASPIRASI KELUARGA MALAYSIA: SASARAN 500,000 PELUANG PEKERJAAN BERJAYA DICAPAI BAGI TAHUN 2021; 600,00 PELUANG PEKERJAAN DISASARKAN UNTUK 2022

Sebanyak 500,257 pencari kerja telah berjaya mendapat peluang pekerjaan melalui 27 inisiatif yang dilaksanakan oleh Kerajaan, melangkaui sasaran 500,000 peluang pekerjaan bagi tahun 2021.

Kejayaan ini lebih bermakna memandangkan pasaran buruh menghadapi pelbagai cabaran getir akibat penularan COVID-19 sejak Mac 2020, sehingga pengangguran melonjak kepada kadar tertinggi 5.3% pada Mei 2020.

Antara inisiatif utama yang telah menyumbang kepada pencapaian kejayaan tersebut adalah Program Insentif Pengambilan Pekerja (PenjanaKerjaya) dan *Malaysia Short-Term Employment Programme* (MySTEP). Setakat 3 Disember 2021:

- a. PenjanaKerjaya 2.0 telah berjaya menempatkan seramai 221,966 orang pekerja, melebihi sasaran keseluruhan 200,000 peluang pekerjaan; dan
- b. MyStep berjaya menempatkan 61,328 orang pekerja, melepasi sasaran keseluruhan 50,000 peluang pekerjaan.

Selain dari PenjanaKerjaya 2.0 dan MySTEP, Kerajaan juga berjaya mewujudkan lebih 123,312 pekerjaan baharu melalui pelaburan dalam negara dan 74.2% daripadanya dalam kategori mahir dan separuh mahir.

Melalui Bajet 2022, 600,000 peluang pekerjaan disasarkan menerusi inisiatif JaminKerja dengan peruntukan sebanyak RM4.8 bilion.

ULASAN ISU SEMASA



PENGANGGURAN TURUN PADA KADAR TERENDAH SEJAK APRIL 2020

Kadar pengangguran menurun kepada 4.3% pada Oktober, angka terendah yang dicatatkan sejak April tahun lalu mengikut data Jabatan Perangkaan.

Ini adalah disebabkan pembukaan semula ekonomi dan penyambungan semula aktiviti sosial dan rekreasi sebagai penyumbang utama pekerjaan kekal stabil.

Trend peningkatan penduduk bekerja berterusan pada Oktober 2021 dengan mencatatkan pertambahan sebanyak 0.6% bulan ke bulan kepada 15.55 juta orang. Nisbah guna tenaga kepada penduduk juga meningkat sebanyak 0.3% kepada 65.8% pada Oktober.

Manakala bilangan penganggur menurun sebanyak 3.4% dengan 705,000 penganggur direkodkan pada Oktober berbanding 729,000 pada September.

ULASAN ISU SEMASA




SKIM SARAAAN BERKAGAR (SSB) BANTU BIAYAI PERSARAAN WARGA EMAS

Skim ini adalah salah satu inisiatif pihak swasta bagi membantu pesara-pesara untuk mendapatkan aliran tunai secara bulanan secara berterusan sehingga akhir hayat mereka.

Perbezaan skim ini dengan pinjaman bank adalah pertama, peminjam boleh terus tinggal di rumah mereka sehingga akhir hayat. Kedua, peminjam boleh mendapat aliran tunai sepanjang hayat dan ketiga pada akhir hayat, waris peminjam akan diberi peluang untuk melunaskan pinjaman jika mereka mahu mengambil balik rumah yang dicagar itu.

Sekiranya para waris yang tidak ingin mengambil semula rumah berkenaan, Cagamas akan menjual rumah tersebut. Jika ada lebihan tunai daripada jualan tersebut, baki akan dipulangkan kepada waris. Sebaliknya jika jumlah pinjaman melebihi jumlah jualan rumah, mereka tidak perlu membayar kekurangan tersebut.

ULASAN ISU SEMASA



DUA KEMPEN PERBADANAN EKONOMI DIGITAL MALAYSIA (MDEC) BERJAYA MELEPASI SASARAN

Kempen *Go-eCommerce Onboarding* dan *Shop Malaysia Online* Belanjawan 2021 oleh Perbadanan Ekonomi Digital Malaysia (MDEC) berjaya melepasi sasaran dengan melibatkan 500,000 perniagaan dan menjana 85 juta transaksi dengan Nilai Barangan Kasar (GMV) lebih RM4.6 bilion.

Sebagai sebahagian daripada inisiatif Belanjawan 2021, Kerajaan telah menyuntik pakej insentif bernilai RM200 juta dalam kempen berkenaan untuk membantu perniagaan tempatan merangkumi pelbagai sektor untuk mengadaptasi platform eDagang dan eBayar, bagi meningkatkan keupayaan jualan dalam eDagang. RM100 juta telah diperuntukkan untuk membantu perniagaan tempatan untuk mengadaptasi platform eDagang menerusi kempen *Go-eCommerce Onboarding*.

Lebih 500,000 penjual telah menyertai kempen ini dengan 320,000 daripadanya ialah penjual baharu yang menggunakan platform eDagang. Kempen berkenaan juga berjaya merekodkan pendaftaran seramai 157,566 usahawan wanita, sekali gus melepasi sasaran awal iaitu seramai 30,000 orang untuk tahun 2021.

ULASAN ISU SEMASA



LFSA TONGGAK PEMBANGUNAN LABUAN SEPANJANG 25 TAHUN

Lembaga Perkhidmatan Kewangan Labuan (LFSA) menjadi tonggak pembangunan Labuan sepanjang 25 tahun ini. Sejak penubuhan LFSA pada 1996, bilangan institusi kewangan berlesen di Pusat Perniagaan & Kewangan Antarabangsa Labuan (Labuan IBFC) meningkat lebih 10 kali ganda daripada 80 kepada 850 entiti. 70% daripada perniagaan di Labuan IBFC adalah dari Asia Pasifik dan Timur Jauh. Labuan IBFC juga menyumbang lebih 60% Keluaran Dalam Negeri Kasar (KDNK) Labuan pada 2020.



KELAJUAN DAN *LOW LATENCY* ANTARA CIRI PENTING 5G MELALUI PERKHIDMATAN PERCUMA OLEH TELEKOM MALAYSIA (TM) DAN YES SEHINGGA 31 MAC 2022

Pada 15 Disember, YB Tengku Datuk Seri Utama Zafrul Aziz, Menteri Kewangan Malaysia, sempat singgah di pameran 5G yang dianjurkan oleh Digital Nasional Berhad (DNB) di Sentul Depot, Kuala Lumpur. Banyak kegunaan 5G yang ditunjukkan dan ciri yang terpenting adalah kelajuan, *low latency* dan aplikasi digital. Ini memungkinan kegunaan industri seperti pemantauan, pengesanan dan pengurusan bencana; pelaksanaan *smart city*; serta perusahaan dan pembuatan. Bagi individu pula, manfaatnya pelbagai termasuk dari segi *telemedicine*/perubatan jarak jauh; pendidikan dan banyak lagi. Telekom Malaysia (TM) dan YES sedang menawarkan perkhidmatan 5G secara percuma sehingga 31 Mac 2022.

PENGEKALAN & PENJANAAN PEKERJAAN



PROGRAM INSENTIF PENGAMBILAN PEKERJA (PENJANAKERJAYA)

Program Insentif Pengambilan Pekerja (PenjanaKerjaya) merupakan inisiatif Kerajaan dibawah Pertubuhan Keselamatan Sosial (PERKESO) yang menggalakkan pengambilan pekerja dengan menyediakan insentif kewangan kepada majikan mahupun program latihan kepada pekerja.

PENJANAKERJAYA 1.0

Pada bulan Jun 2020 hingga Disember 2020 di bawah Pelan Jana Semula Ekonomi Negara (PENJANA), Kerajaan telah memperuntukkan sebanyak RM1.5 bilion melalui Pertubuhan Keselamatan Sosial (PERKESO) bagi tujuan ini.

- i. Majikan yang menyediakan program perantisan kepada graduan belia dan lepasan sekolah diberikan elaun latihan sebanyak RM600 sebulan selama 6 bulan; dan
- ii. Majikan yang menyediakan peluang penempatan bagi golongan penganggur berumur 40 tahun ke bawah pula layak mendapat insentif elaun sebanyak RM800 sebulan selama 6 bulan. Majikan yang menggajikan pekerja yang berumur 40 tahun ke atas pula akan mendapat insentif sebanyak RM1,000 sebulan selama 6 bulan. Elaun kursus atau program latihan yang disediakan pula adalah sebanyak RM4,000 bagi mereka yang hilang pekerjaan dan bukan pencarum di bawah Skim Insuran Pekerja.

Setakat 3 Disember 2021, sejumlah RM639.30 juta telahpun berjaya disalurkan melalui PenjanaKerjaya 1.0 dan memanfaatkan sebanyak 15,097 majikan dan 116,316 pekerja.

PENGEKALAN & PENJANAAN PEKERJAAN

PENJANAKERJAYA 2.0

Sepertimana yang diumumkan di bawah Belanjawan 2021 dengan peruntukan sebanyak RM2 bilion, Kerajaan telah meneruskan inisiatif pengambilan pekerja dari bulan Januari hingga Jun 2021 dengan beberapa penambahbaikan:

- i. Insentif pekerja bergaji minimum RM1,500 dinaikkan daripada kadar rata RM800 sebulan kepada 40% daripada gaji bulanan, terhad kepada insentif maksimum RM4,000 sebulan;
- ii. Bagi menggalakkan peluang pekerjaan kepada golongan OKU, penganggur jangka panjang dan pekerja yang diberhentikan, majikan akan diberi insentif tambahan sebanyak 20%, menjadikan keseluruhan insentif majikan berjumlah 60%;
- iii. Bagi sektor dengan kebergantungan tinggi kepada pekerja asing seperti pembinaan dan perladangan, insentif khas sebanyak 60% daripada gaji bulanan disediakan dengan 40% disalurkan terus kepada majikan dan 20% kepada pekerja tempatan yang menggantikan pekerja asing. Ketiga-tiga insentif ini diberikan untuk tempoh 6 bulan; dan
- iv. Kos program latihan yang layak dituntut majikan juga ditingkatkan daripada RM4,000 kepada RM7,000 bagi menjalani program kemahiran tinggi atau sijil profesional.

Setakat 3 Disember 2021, sebanyak RM589.42 juta telah disalurkan melalui PenjanaKerjaya 2.0 sebagai insentif pengambilan pekerjaan yang telah memanfaatkan 16,648 majikan dan 138,659 pekerja.

PENJANAKERJAYA 3.0

Melalui Pakej Perlindungan Rakyat dan Pemulihan Ekonomi (PEMULIH), Kerajaan telah melanjutkan program PenjanaKerjaya 2.0 pada 15 Julai 2021 dengan beberapa penambahbaikan:

- i. Kategori *Malaysianisation* di bawah Penjana Kerjaya 3.0 ditambah baik dengan merendahkan kadar gaji minimum daripada RM1,500 kepada RM1,200 sebulan untuk semua kumpulan pekerja yang digajikan bagi jawatan yang biasanya diisi oleh pekerja asing; dan
- ii. Tempoh kontrak penggajian dikurangkan daripada 12 bulan kepada 6 bulan bagi kumpulan pekerja berumur 50 tahun ke atas, Orang Kelainan Upaya (OKU) dan bekas banduan.

Setakat 3 Disember 2021, sebanyak RM68.96 juta telahpun berjaya disalurkan melalui PenjanaKerjaya 3.0 dan memanfaatkan sebanyak 6,906 majikan yang melibatkan sejumlah 29,379 pekerja.


Secara keseluruhannya, Kerajaan telah menyalurkan sebanyak RM1.299 bilion kepada 38,651 majikan melalui PenjanaKerjaya bagi mengekalkan 284,354 pekerja tempatan.

Sukacita dimaklumkan bahawa Kerajaan melalui Pertubuhan Keselamatan Sosial (PERKESO) akan meneruskan usaha pengambilan pekerja melalui inisiatif Insentif Penggajian JaminKerja dengan peruntukan sejumlah RM2 billion bagi tahun 2022. Kerajaan akan memberikan insentif sebanyak 20% daripada gaji bulanan bagi tempoh 6 bulan pertama dan 30% bagi 6 bulan berikutnya tertakluk kepada pekerjaan bergaji RM1,500 ke atas. Kerajaan berharap usaha ini dapat mewujudkan 300,000 peluang pekerjaan baharu dan mengurangkan pengangguran dalam kalangan pekerja warganegara Malaysia.

PENGEKALAN & PENJANAAN PEKERJAAN

PROGRAM SUBSIDI UPAH 1.0 (PSU 1.0)

Di bawah Pakej PRIHATIN, Program Subsidi Upah (PSU) adalah bantuan kewangan yang dibayar kepada majikan bagi setiap pekerja tempatan yang bergaji RM4,000 dan ke bawah. Subsidi sehingga RM1,200 sebulan tersebut akan diberikan untuk tempoh 3 bulan bagi membantu majikan yang terkesan dari segi ekonomi akibat COVID-19 supaya dapat meneruskan operasi syarikat serta mengelakkan pekerja hilang pekerjaan dan punca pendapatan. Program tersebut dilanjutkan untuk 3 bulan tambahan di bawah Pakej PENJANA dan secara keseluruhannya, subsidi yang diberikan kepada majikan adalah untuk tempoh 6 bulan. Setakat 3 Disember 2021, seramai 322,177 majikan dan 2.64 juta pekerja telah menerima manfaat PSU di bawah PRIHATIN dan PENJANA di mana permohonan subsidi upah yang diluluskan telahpun mencapai nilai RM12.955 bilion.




*Jumlah kumulatif

**Jumlah majikan dan pekerja kekal pada takat maksima. Namun, pembayaran dibuat secara berfasa dan berterusan untuk memastikan bahawa hanya perusahaan yang layak sahaja menerima subsidi tersebut.

PROGRAM SUBSIDI UPAH 2.0 (PSU 2.0)

Di bawah Pakej Kita PRIHATIN pula, bantuan subsidi upah tersebut dilanjutkan untuk 3 bulan tambahan bagi majikan sedia ada yang menerima PSU manakala bantuan PSU selama 6 bulan diberikan kepada semua permohonan antara 1 Oktober 2020 hingga 31 Disember 2020. Setakat 3 Disember 2021, sejumlah RM1.403 bilion telah disalurkan kepada 81,015 majikan untuk terus beroperasi dan mengekalkan penggajian bagi 715,896 pekerja.



*Jumlah kumulatif

PENGEKALAN & PENJANAAN PEKERJAAN

PROGRAM SUBSIDI UPAH PSU 3.0 (PSU 3.0)

Di bawah Belanjawan 2021 dengan peruntukan sebanyak RM1.5 bilion, Kerajaan telah melanjutkan pelaksanaan PSU selama 3 bulan lagi dengan lebih bersasar, khususnya bagi sektor pelancongan termasuk sektor peruncitan dengan kadar RM600 sebulan bagi pekerja bergaji RM4,000 dan ke bawah. Setakat 3 Disember 2021, sebanyak RM3.467 bilion telah disalurkan untuk mengekalkan penggajian bagi 1,518,115 pekerja. PSU 3.0 turut ditambahbaik dengan Pakej Bantuan PERMAI, PEMERKASA dan PEMERKASA+ seperti berikut:

Peruntukan	Tarikh Permohonan	Sektor Sasaran	Tempoh Subsidi Upah
Belanjawan 2021 (PSU 3.0 Bersasar)	1 Januari 2021 – 30 Jun 2021	Sektor Pelancongan & Runcit	3 bulan tambahan bagi majikan sedia ada 6 bulan bagi permohonan baru
PSU 3.0 PERMAI	19 Januari 2021 – 30 Jun 2021	Semua sektor di negeri PKP	1 bulan sahaja
PEMERKASA (PSU 3.0 PEMERKASA)	1 April 2021 – 30 Jun 2021	Sektor Pelancongan & Runcit serta Perniagaan lain yang ditutup semasa PKP 2.0	3 bulan tambahan bagi majikan sedia ada dan baru
PEMERKASA+	1 Jun 2021 – 31 Julai 2021	Semua Sektor	1 bulan tambahan bagi majikan sedia ada dan baru

PROGRAM SUBSIDI UPAH PSU 4.0 (PSU 4.0)

Di bawah Pakej PEMULIH pula, Kerajaan telah melaksanakan PSU 4.0 dengan peruntukan sebanyak RM3.8 bilion yang dijangka memanfaatkan 2.5 juta pekerja. Melalui PSU 4.0, Kerajaan akan menampung sehingga 500 pekerja bagi setiap majikan dengan kadar sebanyak RM600 setiap pekerja selama tempoh 4 bulan, iaitu 2 bulan bagi semua sektor dalam fasa kedua Pelan Pemulihan Negara (PPN) dan 2 bulan seterusnya khusus bagi sektor-sektor yang dikategorikan dalam senarai negatif semasa tempoh fasa ketiga nanti. Had gaji RM4,000 juga telah dilonggarkan yang membolehkan majikan untuk memohon PSU 4.0 bagi pekerjanya yang bergaji lebih dari RM4,000. Setakat 3 Disember 2021, sebanyak RM2.067 bilion telah disalurkan kepada 134,851 majikan untuk terus beroperasi dan mengekalkan penggajian bagi 1,620,134 pekerja.

Secara keseluruhannya, Kerajaan telah menyalurkan sebanyak RM19.453 bilion kepada 357,102 majikan melalui Program Subsidi Upah bagi mengekalkan penggajian 2,950,138 pekerja tempatan dalam usaha untuk mengurangkan kadar pengangguran dalam kalangan pekerja warganegara Malaysia.

PENGEKALAN & PENJANAAN PEKERJAAN

PROGRAM KEMAHIRAN DAN PENINGKATAN KEMAHIRAN

Setakat 3 Disember 2021, seramai 151,505 peserta telah diluluskan (berbanding 150,908 bagi pelaporan sebelumnya) untuk mengambil bahagian dalam program-program yang disediakan. Senarai kursus-kursus yang mendapat permintaan boleh dilihat melalui pautan Kementerian Kewangan. Selain itu, pemohon juga boleh layari laman web Agensi-agensi Kerajaan seperti yang dimaklumkan di dalam Laporan bertulis, untuk mendapatkan maklumat mengenai kursus-kursus yang ditawarkan. Bagi mereka yang sedang mencari pekerjaan terutamanya golongan belia, anda semua dijemput menyertai kursus-kursus ini.

Kementerian/ Agensi	Program/ Skim/ Inisiatif
 <p>Pembangunan Sumber Manusia Berhad (PSMB) (www.penjanahrdf.com.my)</p>	<div style="display: flex; justify-content: space-around;"> <div style="border: 1px solid #ccc; padding: 5px; text-align: center;">SME Development</div> <div style="border: 1px solid #ccc; padding: 5px; text-align: center;">Industrial Revolution 4.0 (IREV4.0)</div> <div style="border: 1px solid #ccc; padding: 5px; text-align: center;">Place & Train</div> <div style="border: 1px solid #ccc; padding: 5px; text-align: center;">Gerak Insan Gemilang (GIG)</div> <div style="border: 1px solid #ccc; padding: 5px; text-align: center;">B40 Development</div> </div>
 <p>Kementerian Pembangunan, Usahawan dan Koperasi (MEDAC) (https://www.medac.gov.my)</p>	<div style="display: flex; justify-content: space-around;"> <div style="border: 1px solid #ccc; padding: 5px; text-align: center;">INSKEN Business Training</div> <div style="border: 1px solid #ccc; padding: 5px; text-align: center;">Program Micro Connector</div> </div>
 <p>Majlis Amanah Rakyat (MARA) (http://penjana.mara.gov.my/)</p>	<div style="display: flex; justify-content: space-around;"> <div style="border: 1px solid #ccc; padding: 5px; text-align: center;">Modul Khas Penjagaan Kesihatan dan Keselamatan Kebiasaan Baharu</div> <div style="border: 1px solid #ccc; padding: 5px; text-align: center;">Building Internal Entrepreneur Capabilities by Engaging e-Commerce Bespoke Programme (e-entrepreneur) — Training e-Commerce Platform</div> <div style="border: 1px solid #ccc; padding: 5px; text-align: center;">Building Capabilities and Providing Jobs Through Industry Boot Camp</div> <div style="border: 1px solid #ccc; padding: 5px; text-align: center;">Building Internal Entrepreneur Capabilities by Engaging e-Commerce Bespoke Programme (e-entrepreneur) — Bespoke</div> <div style="border: 1px solid #ccc; padding: 5px; text-align: center;">Building Capabilities and Providing Jobs Through Competencies / Short Courses Programme</div> </div>
 <p>East Coast Economic Region Development Council (ECER) (https://www.ecerdc.com.my/penjana/Website/index.html)</p>	<div style="border: 1px solid #ccc; padding: 5px; text-align: center;">ETEP Enhanced Train & Place (PENJANA)</div>
 <p>Northern Corridor Implementation Authority (NCIA) (https://www.ncer.com.my/jomkerja_jomniaga/)</p>	<div style="display: flex; justify-content: space-around;"> <div style="border: 1px solid #ccc; padding: 5px; text-align: center;">JomNiaga@ NCER</div> <div style="border: 1px solid #ccc; padding: 5px; text-align: center;">JomKerja@ NCER</div> </div>
 <p>Kementerian Pelancongan, Seni dan Budaya Malaysia (MOTAC) (http://www.motac.gov.my/)</p>	<div style="border: 1px solid #ccc; padding: 5px; text-align: center;">Pembangunan Kemahiran Komuniti</div>
 <p>Kementerian Pengajian Tinggi (KPT) (https://great.mohe.gov.my)</p>	<div style="display: flex; justify-content: space-around;"> <div style="border: 1px solid #ccc; padding: 5px; text-align: center;">Program Ekonomi Gig</div> <div style="border: 1px solid #ccc; padding: 5px; text-align: center;">Program Keusahawanan</div> </div>

PENGEKALAN & PENJANAAN PEKERJAAN

Sukacita dimaklumkan juga bahawa Kerajaan melalui pelbagai Kementerian dan Agensi Kerajaan akan meneruskan usaha Latihan dan Peningkatan Kemahiran bagi tahun 2022 dengan peruntukan keseluruhan berjumlah RM1.1 bilion yang menyasarkan 220,000 peluang pekerjaan. Antara inisiatif yang akan dilaksanakan adalah seperti berikut:

Latihan dan Peningkatan Kemahiran	Agensi	Sasaran
<i>Human Resource Development Corporation (HRDC)</i>	HRDC	36,000
Koridor Wilayah	Koridor	16,000
<i>Program Reskilling & Upskilling Veteran ATM (PRUV-ATM)</i>	Perbadanan Hal Ehwal Bekas Angkatan Tentera (PERHEBAT)	5,000
<i>Sistem Latihan Dual Nasional Plus (SLDN Plus)</i>	Jabatan Pembangunan Kemahiran (JPK)	10,000
<i>Program Peningkatan Kerjaya (KPT-CAP)</i>	Kementerian Pengajian Tinggi (KPT)	20,000
<i>Pensijilan Profesional (KPT-PACE)</i>	KPT	45,000
<i>Technical and Vocational Education and Training (TVET)</i>	Jabatan Pendidikan Politeknik dan Kolej Komuniti (JPPKK)	25,000
<i>Latihan Kemahiran Kementerian Perdagangan Antarabangsa dan Industri (MITI)</i>	MITI	24,000
<i>Perbadanan Ekonomi Digital Malaysia (MDEC)</i>	MDEC	12,000
<i>Upskilling for Deeptech and Future Skills</i>	Kementerian Sains, Teknologi dan Inovasi (MOSTI)	5,000
<i>Peneraju Skil dan Peneraju Teknologi</i>	Jabatan Perdana Menteri (JPM)	3,000
<i>Pusat Pembangunan Kemahiran Negeri</i>	Perbadanan Tabung Pembangunan Kemahiran (PTPK)	5,000
<i>PERKASA TVET</i>	PTPK	13,000
<i>Program Inkubator Graduan Kreatif</i>	<i>MyCreative Ventures</i>	1,000
JUMLAH		220,000


PEMERKASAAN PERNIAGAAN

SKIM JAMINAN PRIHATIN DANAJAMIN (DPGS)


Skim Jaminan Prihatin DanaJamin (DPGS) yang diperkenalkan oleh Kerajaan di bawah Pakej Rangsangan Ekonomi Prihatin (PRIHATIN) menyediakan Kemudahan Skim Jaminan berjumlah RM50 bilion dengan jaminan sehingga 80% daripada jumlah pinjaman bagi tujuan membiayai modal kerja. Skim ini disasarkan kepada perniagaan yang berdaya maju dalam semua sektor yang menghadapi kesukaran akibat penularan wabak COVID-19. Di bawah Belanjawan 2021, program ini turut dilanjutkan di mana syarat-syaratnya turut ditambah baik. Setakat 3 Disember 2021, sebanyak 88 syarikat telah memohon untuk DPGS di mana jumlah jaminan yang telah diluluskan adalah sebanyak RM2.055 bilion bagi 58 buah syarikat.

Untuk maklumat lanjut, sila layari <http://belanjawan2021.treasury.gov.my/manfaat/index.php/bm/dpgs>.

Jumlah jaminan diluluskan*
(RM bilion)



Jumlah penerima



*Jumlah kumulatif

Kini, sebanyak 11 bank turut melibatkan diri dalam skim ini:

- i. Malayan Banking Berhad;
- ii. CIMB Bank Berhad;
- iii. OCBC Bank (Malaysia) Berhad;
- iv. Alliance Bank Malaysia Berhad;
- v. AmBank (M) Berhad;
- vi. Hong Leong Bank Berhad;
- vii. United Overseas Bank (Malaysia) Bhd;
- viii. Affin Bank Bhd/ Affin Hwang Investment Bank Berhad;
- ix. RHB Bank Berhad;
- x. Bangkok Bank Berhad; dan
- xi. MIDF Amanah Investment Bank Bhd.


PEMERKASAAN PERNIAGAAN




SOKONGAN PENGGUNAAN TEKNIKAL DAN DIGITAL BAGI PKS DAN SYARIKAT DI PERINGKAT PERTENGAHAN (MTC)

Di bawah Pelan Jana Semula Ekonomi Negara (PENJANA), Kerajaan juga telah memperuntukkan sebanyak RM700 juta bagi membantu dan menggalak PKS dan Syarikat di Peringkat Pertengahan (MTC) ke arah pendigitalan operasi dan saluran perdagangan. Setakat 3 Disember 2021, sejumlah RM89.9 juta telah disalurkan kepada 13,889 perniagaan dalam bentuk geran dan pinjaman untuk langganan perkhidmatan digitalisasi.

**Jumlah nilai pinjaman*
(RM juta)**



Jumlah penerima



*Jumlah kumulatif

INISIATIF-INISIATIF LAIN




SOKONGAN BAGI SEKTOR SENI, BUDAYA DAN HIBURAN


Bagi Inisiatif Pemulihan CENDANA, Kerajaan telah memperuntukkan sebanyak RM10 juta yang dijangka akan memanfaatkan 3,000 penerima daripada kalangan seniman dan organisasi di dalam sektor seni dan budaya Malaysia. Penerima akan menerima saiz geran yang berbeza bergantung kepada permohonan dan program yang disasarkan. Setakat 3 Disember 2021, sebanyak RM6.08 juta telah disalurkan kepada 562 para penggiat industri kreatif.

Mereka disarankan untuk menggunakan peluang kemudahan yang disediakan dan boleh memohon bantuan dari kedua agensi berkaitan dengan melayari www.mycreative.com.my/penjana dan www.cendana.com.my untuk maklumat lanjut.

Jumlah disalurkan*
(RM juta)



Jumlah penerima



*Jumlah kumulatif

LAMPIRAN

LAMPIRAN: PENCAPAIAN PAKEJ PENJANA

MATLAMAT 1: MEMPERKASAKAN RAKYAT

1. Subsidi Pengangkutan Awam My30

Setakat 3 Disember 2021, sebanyak RM127.74 juta telah disalurkan bagi langganan 751,414 pas bulanan pengangkutan awam tanpa had bernilai RM30 ini, yang disediakan khusus untuk warganegara Malaysia. Seperti yang diumumkan di bawah Belanjawan 2021, inisiatif ini dilanjutkan ke tahun 2021 bagi terus menggalakkan mobiliti dan mengurangkan beban kos pengangkutan awam untuk Rakyat.


2. Program Insentif Pengambilan Pekerja dan Bantuan Latihan

Setakat 3 Disember 2021, seramai 137,659 pekerja telah berjaya mendapat pekerjaan melalui program ini. Antara industri dan sektor utama yang mengambil pekerja termasuk pembuatan serta perdagangan borong dan runcit.


Untuk maklumat lanjut, sila layari <https://www.perkeso.gov.my/186-penjana/803-program-insentif-pengambilan-pekerja-dan-bantuan-latihan.html>.

KATEGORI RAKYAT YANG MENDAPAT PEKERJAAN


< 40 tahun




40 – 60 tahun




Perantis



OKU



Jumlah*



*Jumlah kumulatif

** Penurunan berbanding minggu sebelumnya adalah disebabkan sesetengah majikan yang tersilap membuat pemilihan kategori pekerja sebelum permohonan sebenar.

LAMPIRAN: PENCAPAIAN PAKEJ PENJANA

MATLAMAT 1: MEMPERKASAKAN RAKYAT

Senarai 5 industri/ sektor pengambil pekerja tertinggi mengikut kategori

No	< 40 tahun	40 – 60 tahun	Perantis	OKU	Keseluruhan
1	Pembuatan	Perkhidmatan Lain	Perkhidmatan Lain	Perdagangan Borong dan Runcit; Pembaikan Kenderaan Bermotor dan Motosikal	Pembuatan
2	Perkhidmatan Lain	Pembuatan	Pembuatan	Perkhidmatan Lain	Perkhidmatan Lain
3	Perdagangan Borong dan Runcit; Pembaikan Kenderaan Bermotor dan Motosikal	Perdagangan Borong dan Runcit; Pembaikan Kenderaan Bermotor dan Motosikal	Perdagangan Borong dan Runcit; Pembaikan Kenderaan Bermotor dan Motosikal	Pembuatan	Perdagangan Borong dan Runcit; Pembaikan Kenderaan Bermotor dan Motosikal
4	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan	Penginapan & Perkhidmatan Makanan
5	Pendidikan	Pembinaan	Maklumat & Komunikasi	Pendidikan	Pembinaan


LAMPIRAN: PENCAPAIAN PAKEJ PENJANA

MATLAMAT 1: MEMPERKASAKAN RAKYAT


3. Elaun Khas Barisan Hadapan (Frontliners Allowance)

Setakat 3 Disember 2021, sebanyak RM1.120 bilion telah disalurkan berdasarkan 2,974,803 tuntutan yang terdiri daripada doktor, jururawat dan kakitangan perubatan lain yang terlibat secara langsung dalam pengurusan dan pembendungan wabak COVID-19. Elaun khas ini juga dipanjangkan kepada anggota tentera, polis, kastam, imigresen, bomba, anggota Angkatan Pertahanan Awam serta anggota RELA yang terlibat secara langsung dalam melaksanakan Perintah Kawalan Pergerakan (PKP).

Jumlah disalurkan*
(RM bilion)



Jumlah tuntutan



*Jumlah kumulatif

LAMPIRAN: PENCAPAIAN PAKEJ PENJANA

MATLAMAT 2: MELONJAKKAN PERNIAGAAN

- | | | |
|----|--|--|
| 4. | Skim Pemulihan Perniagaan TEKUN atau TEKUN Business Recovery Scheme (TBRS) khas untuk PKS Mikro | Dana RM100 juta ini telah mencapai objektifnya dengan memanfaatkan 14,946 PKS Mikro. |
| 5. | Bumiputera Relief Financing (BRF) berjumlah RM200 juta oleh Perbadanan Usahawan Nasional Bhd (PUNB) | Bantuan Dana Khas ini adalah khas untuk PKS Bumiputera yang terkesan oleh COVID-19 dengan pembiayaan antara RM100,000 dan RM1 juta bagi PKS terlibat. Dana RM200 juta ini telah mencapai objektifnya dengan memanfaatkan 749 PKS. |
| 6. | Pembiayaan Sektor Pelancongan PENJANA | Kerajaan memperuntukkan sebanyak RM600 juta bagi PKS dan PKS Mikro yang masih terkesan dengan penularan COVID-19. Setakat 3 Disember 2021, terdapat 701 permohonan bagi pembiayaan ini dan daripada jumlah ini sebanyak 340 permohonan telah diluluskan dengan jumlah pembiayaan sebanyak RM67.5 juta. |


Untuk maklumat lanjut, sila layari https://www.bnm.gov.my/documents/20124/2294076/FAQ%20PENJANA%20Tourism%20Financing_BM.pdf.

Maklumat tambahan daripada BNM


RM400 juta daripada dana asal RM1 bilion diperuntukkan semula bagi:

- Penubuhan Kemudahan Bantuan Bencana (DRF) untuk mengurangkan beban kewangan dan memulihkan operasi perniagaan PKS yang terjejas akibat banjir; dan
- Kemudahan Automasi Digital PKS (ADF) untuk memberi insentif kepada PKS untuk mengautomasikan proses dan mendigitalkan operasi untuk meningkatkan produktiviti dan kecekapan.

Jumlah diluluskan*
(RM juta)



Jumlah
PKS Mikro*



*Jumlah kumulatif

LAMPIRAN: PENCAPAIAN PAKEJ PENJANA


MATLAMAT 2: MELONJAKKAN PERNIAGAAN

7. **Skim Pembiayaan Mudah Jaya Penjana Institut Pengajian Tinggi Swasta (SPiM Penjana IPTS) oleh Majlis Amanah Rakyat (MARA)** Kemudahan pembiayaan ini bermula dengan had RM500,000 sehingga RM50 juta dengan kadar keuntungan 3.5% setahun yang bertujuan untuk membantu IPTS Bumiputera yang terkesan dengan pandemik COVID-19 untuk menampung modal kerja seperti kos operasi, gaji pekerja, sewa premis, utiliti dan perbelanjaan mengurus. Setakat 3 Disember 2021, terdapat sebanyak 55 permohonan bagi skim pembiayaan ini dan daripada jumlah tersebut sebanyak RM152.3 juta telah disalurkan kepada 22 buah IPTS Bumiputera.


Untuk maklumat lanjut, sila layari <https://www.mara.gov.my/en/index/entrepreneurship/business-financing/spim/#tab-id-1>.

8. **Dana Pinjaman Mudah Perusahaan Kecil Sederhana (PKS) (SMEs Soft Loans Funds) yang dikendalikan oleh Bank Negara Malaysia (BNM)** Setakat 3 Disember 2021, jumlah permohonan yang telah diluluskan oleh bank-bank tempatan dan disetujui terima oleh PKS adalah RM12.59 bilion yang akan memberi manfaat kepada 26,379 PKS. Jumlah ini termasuk Dana *Special Relief Facility* (SRF), *Automation & Digitalisation Facility* (ADF), *All-Economic Sector Facility* (AES) dan *Agrofood Facility* (AF).

Jumlah diluluskan dan disetujui terima* (RM bilion)



Jumlah PKS



*Jumlah kumulatif

Walaupun Dana SRF telah dimanfaatkan sepenuhnya, PKS masih boleh memohon skim pembiayaan yang masih tersedia melalui Tabung BNM seperti ADF, AES dan AF. PKS juga boleh mendapatkan pembiayaan lain melalui platform imSME di pautan <https://imsme.com.my/portal/bm/> yang boleh membantu dalam membuat padanan pembiayaan yang diperlukan dengan pelbagai penyedia dana untuk PKS.

LAMPIRAN: PENCAPAIAN PAKEJ PENJANA


MATLAMAT 2: MELONJAKKAN PERNIAGAAN

9. Geran Pendigitalan PKS


Bank Simpanan Nasional (BSN) menyediakan geran padanan berjumlah 50% sehingga RM5,000 bagi membantu PKS untuk menggunakan perkhidmatan pendigitalan dalam operasi perniagaan harian untuk meningkatkan daya persaingan dan produktiviti perniagaan. Setiap PKS dibenarkan untuk memohon sehingga 3 jenis perkhidmatan dengan satu atau lebih pembekal perkhidmatan pendigitalan yang berdaftar dengan Perbadanan Ekonomi Digital Malaysia (MDEC). Geran ini dibekalkan oleh Kerajaan untuk tempoh 5 tahun bermula 17 Februari 2020 atau apabila mencapai 100,000 permohonan, yang mana terdahulu. Setakat 3 Disember 2021, sebanyak RM124.88 juta telah disalurkan kepada 45,333 PKS dalam bentuk geran padanan.

Untuk maklumat lanjut, sila layari <https://www.bsn.com.my/page/sme-digitalisation-initiative?lang=ms-MY&csrt=11686013184590162770>.

Jumlah disalurkan*
(RM juta)



Jumlah penerima



*Jumlah kumulatif

LAMPIRAN: PENCAPAIAN PAKEJ PENJANA


MATLAMAT 2: MELONJAKKAN PERNIAGAAN

10. Skim Pembangunan Usahawan Masyarakat India (SPUMI)


Skim Pembangunan Usahawan Masyarakat India (SPUMI) adalah satu inisiatif strategik Kerajaan di bawah TEKUN untuk membantu masyarakat India mempertingkatkan ekonomi menerusi penglibatan dalam bidang perniagaan dan keusahawanan. Bagi masyarakat India yang ingin menceburkan ekonomi menerusi penglibatan dalam bidang perniagaan dan keusahawanan. Bagi masyarakat India yang ingin menceburkan diri dalam bidang perniagaan dan keusahawanan serta mereka yang ingin memajukan lagi perniagaan sedia ada, nilai pembiayaan yang disalurkan adalah dari RM1,000 sehingga RM100,000 bagi setiap usahawan mengikut kelayakan. Tempoh bayaran balik pembiayaan adalah sehingga 120 bulan (10 tahun) pada kadar 4% setahun. Program ini telah diberi peruntukan sebanyak RM20 juta, di mana RM5 juta adalah daripada Belanjawan 2021 manakala penambahan sebanyak RM15 juta adalah daripada Pakej Perlindungan Ekonomi dan Rakyat Malaysia (PERMAI). Setakat 3 Disember 2021, RM21.50 juta telah berjaya disalurkan kepada 895 PKS Mikro.

Untuk maklumat lanjut, sila layari <https://www.tekun.gov.my/ms/usahawan-tekun/skim-pembangunan-usahawan-masyarakat-india-spumi-2/>.

Jumlah disalurkan*
(RM juta)



Jumlah penerima




*Jumlah kumulatif

LAMPIRAN: PENCAPAIAN PAKEJ PENJANA


MATLAMAT 3: MERANGSANG EKONOMI

- | | |
|---|--|
| 11. Pengecualian 100% duti eksport kepada sektor komoditi | Merangkumi industri berasaskan minyak sawit, bagi merangsang pertumbuhan sektor komoditi dan nilai eksport negara. Inisiatif ini dapat membantu memudahkan para pekebun kecil untuk menjual hasil keluaran mereka kepada kilang-kilang. Nilai pengecualian duti eksport yang berjaya dimanfaatkan oleh industri negara ialah sebanyak RM593.9 juta. |
| 12. Pengecualian cukai perkhidmatan bagi hotel | Nilai pengecualian cukai yang telah dimanfaatkan oleh pengendali premis penginapan telah mencecah nilai RM2.366 bilion (peningkatan sebanyak RM962.7 juta berbanding RM1.37 bilion pada pelaporan sebelumnya, iaitu pada 29 Januari 2021). Antara inisiatif lain bagi menyokong sektor pelancongan merangkumi pelepasan cukai pendapatan individu sehingga RM1,000 ke atas perbelanjaan melancong serta pengecualian cukai pelancongan sepenuhnya. |
| 13. Pelepasan cukai jualan bagi kenderaan penumpang | Insentif cukai jualan ini merangkumi pelepasan 100% bagi kereta pemasangan tempatan (CKD) dan pengurangan 50% bagi model import sepenuhnya (CBU). Setakat 15 Oktober 2021, nilai pelepasan cukai jualan yang telah dimanfaatkan adalah berjumlah RM232.96 juta. |
| 14. Program Sustainability Achieved via Energy Efficiency (SAVE 2.0) | <p><i>Sustainability Achieved via Energy Efficiency (SAVE 2.0)</i> merupakan sebuah program di bawah Belanjawan 2021 yang diperuntukkan sebanyak RM30 juta bagi pemberian 150,000 e-rebat bernilai RM200 kepada mana-mana isi rumah yang membeli alat penyaman udara atau peti sejuk cekap tenaga yang berlabel cekap tenaga 4 atau 5 bintang oleh Suruhanjaya Tenaga (ST) pada tahun 2021. Objektif utama program ini adalah untuk meningkatkan kesedaran orang ramai tentang faedah dan amalan penggunaan kelengkapan cekap tenaga. Setakat 3 Disember 2021, sebanyak 67,210 penebusan telah dibuat yang melibatkan jumlah tuntutan sebanyak RM13.44 juta.</p> <p>Untuk maklumat lanjut, sila layari pautan agensi <i>Sustainable Energy Development Authority</i> di http://www.seda.gov.my/saveprogram/.</p> |
| 15. Sokongan bagi Industri Pertanian dan Makanan | Pembiayaan bernilai RM400 juta telah diperuntukkan bagi golongan petani, peladang dan nelayan. Di bawah skim ini, RM350 juta merupakan peruntukan di bawah Skim Pembiayaan Mikrokredit Agrobank. Setakat 3 Disember 2021, sebanyak RM241.17 juta telah disalurkan di bawah skim ini bagi memanfaatkan 19,381 PKS Mikro Pertanian. Jaminan makanan (<i>food security</i>) amatlah dititikberatkan di dalam Pelan Jana Semula Ekonomi Negara (PENJANA) dan juga Belanjawan 2021. |

**Jumlah disalurkan*
(RM juta)**



Jumlah penerima



*Jumlah kumulatif